



NAALAKKERSUISUT
GOVERNMENT OF GREENLAND



ISUMAQATIGIISSUT

Danskit erhvervsministeriata aamma Inuussutissarsiornermut Nukissiuuteqarnermullu Naalakkersuisup akornanni isumaqatigiissut, Danmark-ip aamma Kalaallit Nunaata inuussutissarsiornikkut suleqatigiinnerannik nukittorsaanissaq pillugu

Danskit naalakkersuisuisa aamma kalaallit Naalakkersuisuisa akornanni isumaqatigiissutip 10. september 2018-imeersup danskit Kalaallit Nunaanni timmisartunut mittarfiliortitsernermut peqataanissaasa aamma inuussutissarsiornikkut suleqatigiinnerup nukittunerulersinneqarnissaata Danmark-ip aamma Kalaallit Nunaata akornanni kinguneraa, danskit naalakkersuisuisa aamma Kalaallit Nunaanni Naalakkersuisut isumaqatigiissutigimmassuk pisariaqartoq inuussutissarsiornikkut ineriartortitsinerup nukittorsarneqarnissaa, tunngaviusussatut ineriartortitsinermut aamma isertitassanut nutaanut, inuiaqatigiinni kalaallini.

Illuatungeriit isumaqatigiissutigaaq ataatsimoorussanik suliniutinik aallartitsisoqarnissaa, Kalaallit Nunaata aamma Danmark-ip inuussutissarsiornikkut suleqatigiinnerannik nukittorsaaninnaasunik, Kalaallit Nunaannilu inuussutissarsiornikkut ineriartornermik siuarsaaninnaasumik.

Illuatungeriit nalilerpaat tamanna pissusissamisoornerusumik pisinnaasoq Namminersorlutik Oqartussat aammalu Naalagaaffiup Greenland Venture-mut aamma ineriartortitsinermut aningaasaateqarfimmut Vækstfonden ilassutitut aningaasaliissuteqarnerisigut, taakkuami suleqatigiinnermik aallartitsereersimapput Kalaallit Nunaanni inuussutissarsiornermut pitsaa-sumik sunniuteqartumik.

Isumaqatigiissutikkut matumuuna, danskit inuussutissarsiornermut naalak-kersuisuata - erhvervsministeriata - aamma Kalaallit Nunaanni Inuussutissarsiornermut Nukissiuuteqarnermullu Naalakkersuisup akornanni isumaqatigiissutigineqarput pissutsit ersarinnerusut Namminersorlutik Oqartussat aamma Naalagaaffiup aningaasaliissutissaat, inuussutissarsiutinullu aningaasaliissutissanik immikkoortitsineq.

Inuussutissarsiornikkut suleqatigiinnermik nukittunerulersitsineq
Suliniutinik pingasunik aallartitsisoqassaaq inuussutissarsiornikkut
suleqa-tigiinneq nukittorsarumallugu:

- Aningaasaliissuteqarneq 200 mio. kr.-inik Greenland Venture-imut aamma ineriartortitsinermit aningaasaateqarfimmut - Vækstfonden-imut.
- Inuussutissarsiornermut aningaasaliissutinik immikkoortunik immikkoortitsineq 20 mio. kr.-inik annertussusilinnik, Kalaallit Nunaanni inuussutissarsiornermi suliniutit periarfissarissaartut inerisaqqikkumallugit.
- Ineriartortitsinermit aningaasaateqarfiup - Vækstfonden - Kalaallit Nunaanni suliniutaasa annertunerulersinnissaat, ineriartortitsinissanut qularnaveeqquisiarnernik ilallugit.

Suliniutinut katillugit 220 mio. kr.-inik immikkoortitsisoqassaaq. Katillugit 22 mio. kr.-it Namminersorlutik Oqartussanit aningaasalersorneqassapput, katillugillu 198 mio. kr.-it Naalagaaffimmit aningaasalersorneqassallutik.

1. Aningaasaliissutinik akiliuteqarneq 200 mio. kr.-inik annertussusilinnik Greenland Venture-imut aamma Ineriartortitsinermit Aningaasaateqarfimmut – Vækstfonden.

Greenland Venture-ip aamma Vækstfonden-ip annertunerusunik nalorinaateqarnerusunilu aningaasaliissuteqartarnerat nukittorsarneqassaaq Greenland Venture-p aamma Vækstfonden-ip 200 mio. kr.-inik aningaasaliiffiqeqarnerisigut.

Ilaatigut suleqatigiinnermi aningaasarsiornikkut naligiinnerusumik Greenland Venture-p aamma Vækstfonden-ip akornanni inissisimasoqarnissaa nukittorsarumallugu ingerlatsivinnut taakkununga tamaasa immikkut 100 mio. kr.-inik aningaasaliisoqassaaq.

Naalagaaffik Vækstfonden-imut aningaasaliissuteqassaaq 100 mio. kr.-inik.

Naalagaaffik ataasiartanik tapiissuteqassaaq 80 mio. kr.-inik Namminersorlutik Oqartussanut, immikkuullarissumik siunertaqartunik, Namminersorlutik Oqartussat aningaasaliissuteqarnissaannik katillugit 100 mio. kr.-inik Greenland Venture-imut.

Aningaasaliissutit taakkua Greenland Venture-imik aamma Vækstfonden-imik piginnittuunermik allannguinnigillat.

Aningaasaliissuteqarnermi Vækstfond-imi aamma Greenland Venture-mi aningaasaliissutit immikkoortinneqassapput aningaasaliissutissanut Vækstfond-ip aamma Greenland Venture-p suleqatigiinnerisigut aaqquissuunneqartartussanut atorneqartartussanngorlugit. Aningaasaliissutaasut suliniutinut aningaasaliissutit atorneqarsinnaaqullugit Vækstfonden aamma Greenland Venture annertoqatigiinnik aningaasaliissuteqartassapput, aammalu ingerlatseqatigiiffimmi aningaasaliiffiusumi atugassarititaasunik assigiissunik atugassaqartitsisoqartassalluni.

Aningaasaliissutit atorneqassapput attartortittakkatut, qularnaveeqqusiisutitut, akiliussissutissamaatitut, aningaasaanut pigisanut annertusissutitut akiliutitut assigisaattullu kalaallit suliffeqarfiini.

Aningaasaliinerit imminut akilersinnaasumik iluanaarniuteqarluni aningaasaliissutigineqartassapput, Vækstfond-imullu atatillugu ingerlanneqartassallutik EU-mi naalagaaffiit tapiissuteqartarannut malittarisassat iluanni.

2. Inuussutissarsiutinut aningaasaliissutissatut immikkoortitat 20 mio. kr.-it

Suliniutit aamma suliffeqarfiit amerlanerusut inerisarumallugit, taamalu nukittorsarumallugu suliffeqarfiit suli amerlanerusut aningaasaliiffiqineqartalernissaat, pilersitsisoqassaaq suliniutinut aningaasaliissutissatut immikkoortitanik 20 mio. kr.-nik annertussusilinnik.

Danskit naalagaaffiat Vækstfond-imut tapiissuteqassaaq 10 mio. kr.-inik inuussutissarsiutinut immikkoortitanut aningaasaliissutitut.

Danskit naalagaaffiat ataasiartanik tapiissuteqassaaq 8 mio. kr.-inik anner-tussuseqartunik Namminersorlutik Oqartussanut, immikkuullarissumik siunertaqartunik, Namminersorlutik Oqartussat katillugit 10 mio. kr.-inik Greenland Venture-imi inuussutissarsiutinut aningaasaliissutissatut immikkoortitanut aningaasaliissuteqarnissaanut atugassanik.

Inuussutissarsiutinut aningaasaliissutit atorneqassapput Kalaallit Nunaanni inuussutissarsiutissatut suliniutit periarfissaasa inerisarneqartarnissaannut, tamatumaniisaaq misissueqqaarnernut aningaasartuutinut, siunnersortinut aningaasartuutinut, aallarnisaasuni ingerlatsinernut il.il., kiisalu annikin-nerusutigut Vækstfond-ip aamma Greenland Venture-p suleqatigiin-neranut.

Inuussutissarsiutinut aningaasaliissutissatut immikkoortitat atorineqartarneri ingerlanneqassaaq suleqatigiinnikkut, Vækstfond-ip aamma Greenland Venture-ip akornanni, tassa imaappoq Kalaallit Nunaanni inuussutissarsiutitsigut suleqateqarnissamut aningaasaliissutissanut qinnuteqaammi allaaserisat killiliussat iluanni, nalunaarummi Vækstfond-ip inuussutissarsiornikkut Kalaallit Nunaanni Greenland Venture-imik suleqateqarnissaa pillugu aalajangersakkat iluanni, aammalu inuussutissarsiornikkut suleqatigiinnissamik politikkip ataatsimoorussap Vækstfond-ip aamma Greenland Venture-p akornanni isumaqatigiissutaasut iluanni.

Inuussutissarsiutinut immikkoortitat aningaasaliissutissat atorineqarnerat Vækstfond-imut atatillugu pisassaaq EU-mi naalagaaffiit tapiissuteqartarnerannut aalajangersakkat iluanni, tamatumaniissaaq malittarisassat “minimis-regler” tunngavigalugit.

3. Ineriartortitsinissanut qularnaveeqqusiissutit

Vækstfonden periarfissaqassaaq ineriartortitsinissanut Kalaallit Nunaanni qularnaveeqqusiisarnissanut. Qularnaveeqqusiinerit naatsorsuutigineqarpoq atorineqarumaartut ingammik sanaartugassanut annertunerusunut anin-gaasalersuisarnerni, suliffeqarfinni angisuuni aningaasalersuisarnerni, aatsitassarsiorfinni il.il.

Ineriartortitsisarnernut qularnaveeqqusiissutit tunniunneqartarput aningaasaliissutitut killiliussat pioreersut iluanni.

Aaqqissuussineq aamma inatsisiliornikkut suliat

Danskit Naalagaaffiata Vækstfond-imi aningaasaliissutissaanut aamma inuussutissarsiutinut aningaasaliissutissatut immikkoortitanut tapiissutissanut atatillugu, danskit Aningaasaqarnermut Ataatsimiititaliaanni 2019-ip upernaavani suliarineqassaaq suliassiissut - aktstykke – qinnutigineqarlunilu taparserneqassasut:

- Aningaasaliissutinik nuussinissaq 100,0 mio. kr.-inik Vækstfond-imut, siunnerfigalugu Kalaallit Nunaanni aningaasaliissuteqarnissat Greenland Venture suleqatigalugu, kiisalu
- Aningaasaliissutissanik nuussinissaq 10,0 mio. kr.-inik Vækstfond-imut, inuussutissarsiutinut aningaasaliissutaasartussatut immikkoortitassanik, nukittorsaasussamik Kalaallit Nunaanni inuussutissarsiornikkut siunnerfeqarluartunik inuussutissarsiornikkut suliniutinik.
- Aningaasaliissutissanik nuussinissaq 80,0 mio. kr.-inik Kalaallit Nunaannut, siunertaralugu Namminersorlutik Oqartussat katillugu

100,0 mio. kr.-inik Greenland Venture-mi aningaasaatit ilassutissaattut aningaasaliissuteqarnissaannik.

- Aningaasaliissutissanik nuussinissaq 8,0 mio. kr.-inik Kalaallit Nunaannut, siunertaqartunik Namminersorlutik Oqartussat immikkoortitsissasut katillugit 10,0 mio. kr.-inik, Greenland Venture-imi inuussutissarsiutini suliniutinut aningaasaliissutitut.

Kiisalu danskit Erhvervsministeriaqarfiata 2019-ip upernaavani saqqumiutissavaa nalunaarut Vækstfond-ip inuussutissarsiornikkut Kalaallit Nunaanni suleqateqarnera pillugu, tassalu taanna inatsisitigut killiliussaassaaq Vækstfond-ip Kalaallit Nunaanni inuussutissarsiornikkut suleqateqarnerani, kiisalu aamma nalunaarummik allannguisoqassalluni Vækstfond-ip Savalimmiuni aamma Kalaallit Nunaanni neqeroorutai pillugit, kalaallit suliffiutaasa Ineriartortitsinissamut Qularnaveeqqusiivigineqarsinnaalernissaannik ammaassisussamik.

Namminersorlutik Oqartussat Greenland Venture-ip aningaasaataasa ilassutissaattut akiliutissaat pillugu Inatsisartut Aningaasaqarnermut Akilearaartarnermullu Ataatsimiititaliaat qinnuigineqassaaq ilassutitut aningaasaliissutissanik 2019-imi aningaasanut inatsimmi akuersissuteqarnissaannik, ukununnga:

- Naalagaaffimmiit 88 mio. kr.-it isertitatut nalunaarneqarnissaat.
- Aningaasaliissutit 110 mio. kr.-it Greenland Holding-imut tassanngaaniillu kingornagut Greenland Venture-imut, agguarneqartut 100 mio. kr.-inut aningaasaatit ilassutaattut aningaasaliissutitut aamma 10 mio. kr.-it inuussutissarsiutinut aningaasaliissutissatut.

Naalakkersuisut Inatsisartut aningaasanut 2019-imi inatsisaanni oqaasertaliussanut naapertuuttumik isumaqatigiissuteqassapput Greenland Holding/Greenland Venture-imut aningaasaliissutit atorneqarnissaat pillugit.

Ilanngullugu aamma Inuussutissarsiornermut Nukissiuuteqarnermullu Naalakkersuisoqarfiup Greenland Venture isumaqatigiissuteqarfigissavaa Vækstfond-imik inuussutissarsiornikkut suleqateqarnissaq pillugu, taannalu tassa inatsisini killiliussaassaaq inuussutissarsiornikkut suleqatigiinnermut atatillugu.

Vækstfonden aamma Greenland Venture 2019-ip upernaavani aalajangersaassapput ataatsimoorussamik suleqatigiinnermut politikkissaminnik, tamatumanissaq aningaasaliissuteqartarnissanut tunngatillugu aalajangiisarnissanut periaasissanik, aammalu inuussutissarsiutinut aningaasaliissutissatut immikkoortitat atorneqarnissaat pillugu.

Danskit Naalagaaffiata inuussutissarsiutinut tunngatillugu suliniutinut peqataanera Folketing-ip Aningaasaqarnermut Ataatsimiititaliaanut saq-qummiunneqassaaq inaarutaasumik akuersissutigisassanngorlugu. Kalaallit Nunaanni Naalakkersuisunut tunngatillugu isumaqatigiissutaasup aningaasaqarnikkut kingunerisassai Inatsisartut Aningaasaqarnermut Akileraartarnermullu Ataatsimiititaliaannut akuerisassanngorlugit saq-qummiunneqassapput.



Rasmus Jarlov
Erhvervsministeri



Aqqalu Jerimiassen

Inuussutissarsiornermut
Nukissiuuteqarnermullu
Naalakkersuisoq

15. marts 2019

15. marts 2019